



REPUBLIKA E KOSOVES/REPUBLIKA KOSOVA/REPUBLIC OF KOSOVO
 AGJENCIA KUNDËR KORRUPSIONIT
 AGENCIJA PROTIV KORUPCIJE
 ANTI-CORRUPTION AGENCY

Dep. _____
 Dep. _____
 Dep. _____
 Nr. i faq. _____
 Broj stranica _____
 Nr. pages _____

Nr. Prot. _____
 Br. Prot. _____
 Prot No. 03-02/1243/1
 Data _____
 Datum 10.05.2017
 Date _____

PRISHTINE



Republika e Kosovës Republika Kosova - Republic of Kosova

AGJENCIA KUNDËR KORRUPSIONIT
 AGENCIJA PROTIV KORUPCIJE
 ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 08.05.2017, mori:

V E N D I M

I. Mbyllet rasti me nr. AKK – 03-02-4691/16, për z. Zenun Shala – Drejtor Bordi në Aeroportin e Gjakovës, për shkak se zyrtari i lartë publik ka shmangur gjendjen e konfliktit të interesit në të cilën ndodhej.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur nën dyshimin e bazuar për konflikt interesi në ushtrimin e funksionit publik, nr. AKK – 03-02-4691/16, për z. Zenun Shala – Drejtor Bordi në Aeroportin e Gjakovës, është trajtuar sipas procedurës së paraparë në Ligjin nr. 04/L-051 për parandalimin e konfliktit të interesit në ushtrimin e funksionit publik.

Në këtë rast, zyrtari i lartë z. Shala, është hetuar për konflikt të mundshëm interesi sepse krahas ushtrimit të funksionit publik, ka qenë person i autorizuar në bizneset private N.T.P. “Sigma” dhe “Juniku i Ri” Sh.A.

Agjencia kundër Korrupsionit ka filluar procedurën e shqyrtimit të gjendjes së mundshme të konfliktit të interesit në bazë të cilës fillimisht ka njoftuar zyrtarin e lartë me shkresë zyrtare. Më pas, zyrtarët e Agjencisë kanë organizuar takim me zyrtarin e lartë, për t'i sqaruar situatën në të cilën ndodhet dhe për t'i dhënë rekomandimet për ndryshimet që duhet të bëj, për të shmangur situatën e konfliktit të interesit.



z. Shala është bindur për kufizimet në ushtrimin e funksionit menaxhues në bizneset private, krahas ushtrimit të funksionit të zyrtarit të lartë dhe ka premtuar që në afat sa më të shpejt do të shmang konfliktin e interesit në ushtrimin e funksionit publik.

Ndërkohë z. Shala ka dërguar në Agjenci shkresat zyrtare, të lëshuara nga Agjencia për Regjistrimin e Bizneseve në Kosovë, me të cilat vërtetohet se ai ka caktuar person të autorizuar për të menaxhuar bizneset private. Me këtë ai ka shmangur situatën e konfliktin e interesit në ushtrimin e funksionit publik.

II. Në pajtim me nenin 18 (paragrafi 11) të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë kur mund të paraqiten rrethana të reja, andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik;
- Drejtorit të DPK- së;
- Z./znj. (zyrtarit përgjegjës).

Drejtore e Agjencisë kundër Korrupsionit

Shaip Havolli

